

2. 午睡起來時，也可以用拍拍手喚醒睡蟲（*拍手）

『拍拍手』 先拍十下 12345678910

雙數拍，單數不拍 1*3*5*7*9*

單數拍，雙數不拍 *2*4*6*8*10

258 不拍，其他拍 1*3 4*6 7*9 10

1479 不拍，其他拍 1**4**7*9*

3468 不拍，其他拍 **3 4*6*8**

3. 『著新衫』

一二三，阿婆著新衫。

三四五，老弟便所屙 ng \ ng \ 。

五六七，屋家漆油漆。

七八九，大家和氣感情久。

三、新唸謠

1. 『拍手歌』

拍拍手，唱唱歌，
俾教你唱山歌；
蚊仔入來坐，
烏蠅走來和，
囉囉嗦嗦，
唔當拿梳仔梳頭拿毛。

2. 『啱可樂』

手伸出來，右手拿可樂，
打開來，啖！
啱可樂，咕嚕~咕嚕~咕嚕~
啱忒咧~~~~~哦！

3. 『俾係天才』

×× ××× ×× ×× ××
雙手插腰，右手大拇指比向自己
呵！呵！呵！呵！
俾一係一天一才一

4. 『打屁卵』

左片 左片，右片 右片
頭前 頭前，後背 後背
頭那 頭那，肩頭 肩頭
胸胛 胸胛，肚筍 肚筍
尿肫 尿肫，嘍~
臭臭喔！香香喔！

二、 傳統唸謠（改編）

1. 阿有西 阿有西，打臭屁
 一粒來，一粒去
 留來過年打鬥敘
2. 損損損 損損損，賣豬腸
 賣到幾多錢
 賣到五尖錢
 拿歸去，打隻屁
 蚊仔咬走去
3. 細狗仔 細狗仔，細狗仔
 真會走
 每日企到大門口
 圓圓今日珠像番豆
 看到人來就眼鬥鬥

三、 童謠創作

1. 老阿伯 老阿伯鬚赤赤
 行路就頭領領
 看到車輛佢就閃
 救人救火佢特敢
2. 老阿婆 老阿婆慢越越
 樓梯又爬毋高
 橫倒就地泥坐
 跣起來背駝駝
3. 揚葉仔 揚葉仔，飛啊飛
 飛到東，飛到西
 飛到樹頂尾
 看得花就笑微微
 * *
 揚葉仔，飛阿飛
 飛到東，飛到西
 飛到花樹尾
 看到人就恬恬企

4. 你最乖 小朋友，小朋友，
 你最乖
 看書看到頭低低，
 寫字正又毋會歪。
 * *
- 小朋友，小朋友，
 你愛乖
 毋聽話也毋聽教，
 大家看到得人腦。
5. 細阿哥仔 細阿哥仔面黃黃
 三餐食飯愛正常
 青菜魚肉都愛嚐
 飲料零嗒少食糖
 茶水食多身體強
6. 電腦 電腦哥，電腦妹
 項項伊都會
 手指一捻（ngian\）佢就來
 會唱歌、會讀書、還有英文 A B C
 會寫字、會尋人、還有音樂 1 2 3
 電腦哥，電腦妹
 從來毋會啄日睡
 老嫩大細都盡愛
6. 牽牛哥 牽牛哥，一條索
 上竹頭，剝竹殼
 嘍蛤蟆，掩嘴角
 蛤蟆一卅 P 卅 P 卅 P
 輕手輕腳，就分汝捉。

四、童謠創作（鍾振斌老師）

1. 十二生肖 鼠牛虎兔，冇著衫褲。
龍蛇馬羊，愛討新娘。
猴雞犬豬，煞猛讀書。

2. 公！公！公！ 公！公！公！
鴨公載雞公！
出去釣蝦公！
釣到一碗公！
煮來拜天公！
天公毋好食，
錫到大蟻公！
蟻公食淨淨，
蟻公看到走去屏！
屏到榕樹下，拈到一粒大西瓜！
嘍歸去，輾到眠床下，阿公看到笑哈哈！

3. 台灣新高鐵 新時代，新高鐵！
點半鐘，高雄到台北！
本日來去也做得！
有安全，有速度！
省時間，毋使行公路！
南北交通真進步！
細人仔，要牽手，
老人家，上下愛照顧。
阿妹親切來服務！
高鐵！高鐵！真方便！
冇輸日本新幹線！
有建設，有改變，
寶島分人真迷戀！